

Na osnovu člana 66. st. 1. i 2. Zakona o organizaciji organa uprave u Federaciji Bosne i Hercegovine ("Službene novine Federacije Bosne i Hercegovine", broj 35/05) i člana 17. stav 7. Zakona o veterinarstvu ("Službene novine Federacije BiH", broj 46/00), ministar privrede Kantona Sarajevo donosi

**PRAVILNIK
O DRŽANJU I POSTUPANJU SA PSIMA, MAČKAMA, DIVLJIM I OPASNIM
ŽIVOTINJAMA**

I – OSNOVNE ODREDBE

Član 1.

(Predmet)

Ovim se pravilnikom propisuju uvjeti i način držanja pasa, mačaka, divljih i opasnih životinja, postupanje s napuštenim i izgubljenim životinjama, psima i mačkama lualicama i divljim životinjama nađenim izvan njihovog prirodnog staništa, nadzor i kaznene odredbe.

Član 2.

(Pojmovi)

U ovom pravilniku pojedini pojmovi imaju slijedeće značenje:

- a) **imalac životinje** je fizičko ili pravno lice koje je vlasnik životinje, ili bilo koje drugo lice koje je stalno ili povremeno odgovorno ili zaduženo za životinju;
- b) **divlje životinje** su sve one vrste i podvrste koje nisu nastale pod uticajem čovjeka kao posljedica uzgojnih aktivnosti;
- c) **opasne životinje** su one životinje koje su kao takve određene Pravilnikom o držanju opasnih životinja ("Službeni glasnik Bosne i Hercegovine", broj 27/10);
- d) **kućni ljubimci** su psi, domaće mačke, domaće ptice, mali glodari, terarijumske, akvarijumske i druge životinje, koje se uzgajaju ili drže za društvo, rekreaciju, zaštitu ili pomoć čovjeku;
- e) **neupisana životinja** je životinja koja nije registrovana u skladu sa važećim propisima;
- f) **izgubljena životinja** je ona životinja koji je napustila imaooca bez njegove volje i on je traži;
- g) **napuštena životinja** je ona životinja koju je imalac svjesno napustio;
- h) **pas/mačka lualica** je životinja čiji je imalac nepoznat i koja bez nadzora lualicama i drugim javnim površinama, uključujući napuštenog odnosno izgubljenog psa/mačku;
- i) **službeni pas** je radni ili servisni pas specijalno obučen da obavlja određene specifične zadatke (policijski psi, psi vodiči slijepih osoba, terapijski psi i sl.) i ne smatra se kućnim ljubimcem;

- j) **slobodnoživuća mačka** je mačka koja je rođena u divljini, nema imaooca, nije socijalizirana, te se ne može pripitomiti;
- k) **sklonište za životinje** je prostor u koji se smještaju pronađene životinje (napuštene i izgubljene životinje, psi litalice i sl.) na daljnju brigu i moguće udomljavanje;
- l) **higijenski servis** je služba koja se osniva u skladu sa odredbama Zakona o zaštiti i dobrobiti životinja (“Službeni glasnik Bosne i Hercegovine”, broj 25/09);
- m) **korisnik lovišta** je pravno lice koje je na osnovu Zakona o lovstvu (“Službene novine Federacije Bosne i Hercegovine”, br. 4/06, 8/10 i 81/14) dobilo lovište na gospodarenje;
- n) **eutanazija** je poseban način usmrćivanja koji isključuje patnju i bol životinja;
- o) **veterinar** je doktor veterinarske medicine ili diplomirani veterinar sa veterinarskom licencom;
- p) **javne površine** u smislu ovog pravilnika su ulice, saobraćajnice, trotoari, pješački prelazi, pješački prolazi, autobuska stajališta, trolejbuska stajališta, tramvajska stajališta, taxi stajališta, šetališta, pješačke i biciklističke staze, javna stepeništa, platoi, trgovi, parkovi, travnjaci, cvijetnjaci, površine unutar otvorenih tržnih centara, groblja, spomen obilježja, javna igrališta, neograđena dvorišta škola i vrtića, parkinzi koji nisu u privatnom vlasništvu i slično.

Član 3.

(Pružanje pomoći u slučaju ozljede životinje)

Svako ko ozljedi životinju mora joj pružiti potrebnu pomoć, a ako to nije u mogućnosti sam učiniti, mora joj osigurati pružanje pomoći na drugi odgovarajući način.

II – DRŽANJE PASA, MAČAKA, DIVLJIH I OPASNIH ŽIVOTINJA

Odjeljak A. Opće odredbe

Član 4.

(Način držanja životinja)

Na teritoriji Kantona Sarajevo životinje se moraju držati tako da ne ugrožavaju fizički integritet, te ličnu sigurnost i imovinu građana, javni red i mir i životnu sredinu, pri čemu uslovi i način držanja i postupanja sa životinjama moraju biti u skladu sa propisima o zaštiti i dobrobiti životinja, veterinarstvu i odredbama ovog pravilnika.

Član 5.

(Dužnosti imaooca životinje)

Imalac životinje, zavisno od vrste, pasmine, starosti i fizioloških potreba, dužan je životinju:

- a) hraniti i napajati prema njenim fiziološkim potrebama;
- b) negovati i osigurati joj zdravstvenu zaštitu;
- c) smjestiti je u dovoljno prostora i osigurati joj odgovarajuće uslove za kretanje, ako je privezana ili zatvorena;

- d) osigurati životinjama koje se drže u zatvorenim prostorima dovoljno svjetlosti, toplote, vlage, provjetravanje, higijenu prostora;
- e) osigurati takav sistem nadzora životinja koje se drže u zatvorenom prostoru da u slučaju nesretnog slučaja imalac životinja može reagovati na propisan način, ili ne ostavljati životinje koje borave u zatvorenom bez nadzora;
- f) ne izlagati životinju ekstremnoj toploti ili hladnoći;
- g) osigurati životinji dovoljno kretanja.

Član 6.

(Dužnosti imaoaca životinje prilikom obavljanja veterinarskog pregleda)

Imalac životinja ne smije ometati veterinarski pregled i kontrolu i dužan je pružiti pomoć prilikom obavljanja veterinarskog pregleda i kontrole i provođenja drugih mjera.

Član 7.

(Dužnosti i odgovornost imaoaca životinje za slučaj da životinja nanese povredu ili ošteti nečiju imovinu)

- (1) Ako životinja ozljedi neku osobu ujedom ili na koji drugi način, imalac životinje dužan je odmah obavijestiti kantonalnu veterinarsku inspekciju i po nalogu iste bez odlaganja ili istog dana odvesti životinju na veterinarski pregled u najbližu veterinarsku organizaciju.
- (2) Ako životinja nanese povredu ili ošteti nečiju imovinu, imalac životinje je odgovoran za nanesenu povredu odnosno štetu, te je dužan izvršiti popravku i/ili nadoknaditi štetu oštećenom licu.

Odjeljak B. Držanja pasa, mačaka i drugih kućnih ljubimaca

Član 8.

(Zabrana držanja određenih životinja kao kućnih ljubimaca)

- (1) Zabranjeno je držati kao kućne ljubimce divlje životinje.
- (2) Zabranjeno je držati kao kućne ljubimce i opasne životinje koje su navedene u Popisu opasnih i potencijalno opasnih životinjskih vrsta koji je sastavni dio Pravilnika o držanju opasnih životinja ("Službeni glasnik Bosne i Herecegovine", broj 27/10).

Član 9.

(Držanje pasa)

- (1) Pas se može držati u stanu ili kući.
- (2) Pas se može držati i u dvorištu, vrtu ili drugom sličnom ograđenom otvorenom prostoru koji je u privatnom vlasništvu.
- (3) Psu koji se drži u dvorištu, vrtu ili drugom sličnom ograđenom otvorenom prostoru iz stava (2) ovog člana mora se osigurati kućica i mora se držati na način koji će spriječiti psa da izađe na javne površine bez povoca i nadzora.

- (4) Kućica za psa mora biti odgovarajuće veličine, od materijala koji ne smiju biti opasni za psa i djelovati štetno na njegovo zdravlje, te koji se lahko čiste, peru, a po potrebi i dezinficiraju i mora biti izvedena tako da nema oštrih uglova, rubova ili dijelova na kojima bi se pas mogao ozlijediti, a sve u skladu sa Pravilnikom o zaštiti pasa koji se drže kao kućni ljubimci ("Službeni glasnik Bosne i Hercegovine", broj 18/12).
- (5) Imalac koji drži psa u dvorištu, vrtu ili drugom sličnom ograđenom otvorenom prostoru iz stava (2) ovog člana mora na vidljivom mjestu staviti oznaku koja upozorava na psa, te mora imati ispravno zvono na ulaznim dvorišnim ili vrtnim vratima.
- (6) Imalac opasnog psa drži opasnog psa u skladu sa Pravilnikom o držanju opasnih životinja ("Službeni glasnik Bosne i Hercegovine", broj 27/10) i mora opasnog psa držati u prostoru (zatvoreni kavez) ili objektu adekvatne veličine, iz kojeg ne može pobjeći, a ulazna vrata u prostor ili objekt u kojem se nalazi takav pas moraju biti zaključana. Na ulazu u prostor ili objekt u kojem se nalazi opasan pas mora biti vidljivo istaknuto upozorenje: "OPASAN PAS".

Član 10.

(Držanje pasa u stambenim zgradama sa dva ili više etažnih vlasnika)

- (1) U stambenim zgradama sa dva ili više etažnih vlasnika u stanu se može držati najviše dva psa i/ili dvije mačke.
- (2) U posebnim prostorijama, kao i u zajedničkim prostorijama i drugim zajedničkim dijelovima zgrada iz stava (1) ovog člana nije dozvoljeno držanje pasa, mačaka odnosno kućnih ljubimaca.
- (3) Izuzetno od st. (1) i (2) ovog člana etažni vlasnici mogu odlukom o kućnom redu donesenom u skladu sa Zakonom o stvarnim pravima ("Službene novine Federacije BiH", br. 66/13 i 100/13) odnosno Zakonom o upravljanju zajedničkim dijelovima zgrade ("Službene novine Kantona Sarajevo", br. 19/17 i 17/18-Ispravka) drugačije urediti pitanje broja kućnih ljubimaca u stanu, način njihovog držanja u posebnim prostorijama zgrade, te zajedničkim prostorijama i drugim zajedničkim dijelovima zgrade, s tim što se navedenom odlukom ne može zabraniti držanje kućnih ljubimaca u stanu.
- (4) U zgradama iz stava (1) ovog člana nije dozvoljeno uvođenje pasa u liftove u trenutku kada lift koriste stanari i građani. Prilikom korištenja lifta, stepeništa i hodnika zgrade, pas mora biti na povocu pod neposrednom kontrolom imaoća, a opasan pas mora imati i brnjicu.
- (5) Imalac životinje je dužan da nakon korištenja lifta, stepeništa i hodnika zgrade iste očisti od eventualnih nečistoća (dlake, urin i sl.).

Član 11.

(Držanje pasa u porodičnim kućama, zgradama sa jednim etažnim vlasnikom i u njihovim dvorištima)

- (1) U porodičnim kućama, zgradama sa jednim etažnim vlasnikom, te u njihovim dvorištima, vlasnik može držati kućne ljubimce uključujući pse i mačke na način na koji se, u skladu sa propisima o vlasništvu, poštuju i ne smetaju prava vlasnika susjednih nekretnina.
- (2) U kućama, zgradama i dvorištima iz stava (1) ovog člana vlasnik može držati najviše tri psa i/ili tri mačke.

Član 12.

(Dužnost imaoca psa)

Imalac psa dužan je osigurati da njegov pas ne remeti javni red i mir (lajanjem, zavijanjem ili na drugi način).

Član 13.

(Kontrola razmnožavanja kućnih ljubimaca)

- (1) Imaoci kućnih ljubimaca moraju obezbijediti kontrolu razmnožavanja životinja pod njihovim nadzorom.
- (2) Kontrola razmnožavanja kućnog ljubimca provodi se preventivnim djelovanjem, sterilizacijom ili kastracijom životinje.
- (3) St. (1) i (2) ovog člana ne odnose se na uzgajivače kućnih ljubimaca namjenjenih prodaji koji imaju rješenje o tome izdato od strane nadležnog organa u skladu sa Zakonom o zaštiti i dobrobiti životinja ("Službeni glasnik Bosne i Hercegovine", broj 25/09).

Član 14.

(Kretanje kućnih ljubimaca)

- (1) Imalac kućnog ljubimca je dužan osigurati nesmetano kretanje kućnog ljubimca u skladu s potrebama i s obzirom na životinjsku vrstu, te na način koji ne ugrožava zdravlje i sigurnost ljudi i životinja.
- (2) Kućni ljubimci mogu se kretati javnim površinama pod nadzorom imaoca, na povocu ili uz primjenu druge opreme koja onemogućava nekontrolisano kretanje kućnih ljubimaca javnim površinama.
- (3) Izvođenje opasnog psa na javne površine dopušteno je jedino na povocu, sa brnjicom i pod nadzorom imaoca.

Član 15.

(Posebne površine za kretanje pasa koje će odrediti jedinice lokalne samouprave)

Izuzetno od člana 14. st. (2) i (3) ovog pravilnika, jedinice lokalne samouprave na području Kantona Sarajevo, u roku od dvanaest mjeseci od dana stupanja na snagu ovog pravilnika, odredit će, te na vidan i odgovarajući način označiti i ograditi one površine na kojima se psi

mogu kretati bez povoca i pod nadzorom imaoaca, a opasni psi bez povoca, sa brnjicom i pod nadzorom imaoaca.

Član 16.

(Čišćenje psećih fekalija)

Imalac psa dužan je sa sobom nositi pribor za čišćenje psećih fekalija i odmah očistiti svaku javnu površinu ili imovinu koju onečisti njegov pas.

Član 17.

(Zabrana uvođenja pasa)

(1) Zabranjeno je uvođenje pasa:

- a) u vozila javnog gradskog prevoza,
- b) u tržnice i pijace,
- c) u zdravstvene ustanove,
- d) u obrazovne ustanove,
- e) u dvorišta predškolskih ustanova i školska dvorišta,
- f) u pozorišta,
- g) u sportske objekte,
- h) na bazene i kupališta,
- i) na dječija igrališta,
- j) na groblja i spomen obilježja,
- k) u općinske i druge organe vlasti, organe uprave i upravne organizacije,
- l) u prodavnice i tržne centre, osim onih u kojima je na ulaznim vratima na vidnom mjestu naznačeno da je to dozvoljeno,
- m) u ugostiteljske objekte, osim onih u kojima je na ulaznim vratima na vidnom mjestu naznačeno da je to dozvoljeno i koji imaju uređene prostore za držanje pasa.

(2) Zabrane iz stava (1) ovog člana ne primjenjuje se na službene pse.

Član 18.

(Zabrana kretanja pasa)

U vrijeme, kada je rješenjem nadležnog organa zabranjeno kretanje pasa po ulici ili drugim javnim površinama, a u cilju provođenja određenih mjera, imaoци pasa ne smiju iste izvoditi izuzev ako je neophodno da ih vode u veterinarsku organizaciju radi liječenja ili preventivne vakcinacije.

Član 19.

(Nemogućnost staranja o psu)

Imaoци psa koji se ne mogu starati o njemu, u skladu sa propisima o zaštiti i dobrobiti životinja i veterinarstvu, dužni su pronaći alternativan dom psu, novog imaoца, koji će psa prihvatiti i starati se o njemu na propisan način, ili u krajnjem slučaju i ako je to moguće, predati ga u nadležnost skloništu za životinje koja će preuzeti dalju brigu o životinji.

Odjeljak C. Držanje divljih i opasnih životinja

Član 20.

(Divlje životinje)

Zabranjeno je namjerno uznemiravanje divljih životinja, oštećivanje ili uništavanje njihovih staništa, hvatanje i ozljeđivanje, te ubijanje divljih životinja osim na način i pod uvjetima navedenim u Zakonu o lovstvu ("Službene novine Federacije Bosne i Hercegovine", br. 4/06, 8/10 i 81/14).

Član 21.

(Držanje divljih životinja)

Držanje divljih životinja vrši se u skladu sa odredbama Zakona o zaštiti i dobrobiti životinja ("Službeni glasnik Bosne i Hercegovine", broj 25/09), Zakona o zaštiti prirode ("Službene novine Federacije Bosne i Hercegovine", broj 66/13) i drugim propisima.

Član 22.

(Držanje opasnih životinja)

Opasne životinje drže se na način kako je to propisano Pravilnikom o držanju opasnih životinja ("Službeni glasnik Bosne i Hercegovine", broj 27/10).

Odjeljak D. Hranilišta za slobodno živuće mačke

Član 23.

(Hranilišta)

- (1) Na javnim površinama mogu se postavljati hranilišta za slobodno živuće mačke (u daljnjem tekstu: hranilišta).
- (2) Općine na području Kantona Sarajevo će svojim odlukama propisati uvjete, način, izgled i druga pitanja u vezi sa postavljanjem hranilišta.

Odjeljak E. Registracija i zdravstvena zaštita životinja

Član 24.

(Registracija životinja)

- (1) Imaoci pasa i mačaka dužni su da registruju pse i mačke u veterinarskoj organizaciji koja vodi registar životinja, u roku od sedam dana od dana sticanja vlasništva.
- (2) Radi identifikacije, sve životinje trajno treba da budu označene, a imaoци pasa i mačaka dužni su da obave trajno označavanje pasa i mačaka pomoću mikročipa koje izvodi samo veterinar. Zabranjeno je uklanjanje mikročipa, osim u slučaju ako za to postoje opravdani zdravstveni razlozi.

Član 25.

(Neregistrovani psi i mačke)

Neupisani (neregistrovani) psi i mačke ne smiju se izvoditi na ulicu ili druge javne površine.

Član 26.

(Prijava uginuća psa)

Imalac psa dužan je prijaviti uginuće psa u roku od sedam dana od dana uginuća veterinarskoj organizaciji koja vodi registar pasa.

Član 27.

(Vakcinacija i druge preventivne mjere)

- (1) Sve pse starije od tri mjeseca mora se obvezno svake godine preventivno vakcinisati protiv bjesnoće.
- (2) Vakcinacija pasa vrši se na teret imalaca pasa.
- (3) Kao potvrda o izvršenom vakcinisanju veterinarska organizacija izdaje markicu za godinu za koju je pas vakcinisan i registrovan, te istu unosi u bazu podataka u skladu sa Pravilnikom o identifikaciji i vođenju evidencije pasa, mačaka i pitomih vretica u Bosni i Hercegovini ("Službeni glasnik Bosne i Hercegovine", broj 96/16).
- (4) Imalac psa dužan je psa podvrgnuti i drugim preventivnim mjerama koje su nužne za sprječavanje i suzbijanje zaraznih bolesti.
- (5) Psa sumnjivog na bjesnoću ili drugu zaraznu bolest imalac je dužan odmah zatvoriti i izvijestiti nadležnu veterinarsku organizaciju.
- (6) Životinje bolesne od zaraznih bolesti ili bolesti od nametnika ne smiju se bez odobrenja izvoditi na ulice i druge javne površine.

Član 28.

(Obilježavanje i evidencija divljih životinja)

Zaštita, obilježavanje i evidencija divljih životinja vrši se u skladu sa odredbama Zakona o zaštiti i dobrobiti životinja ("Službeni glasnik Bosne i Hercegovine", broj 25/09), Zakona o zaštiti prirode ("Službene novine Federacije Bosne i Hercegovine", broj 66/13) i drugim propisima.

III – POSTUPANJE SA NAPUŠTENIM I IZGUBLJENIM ŽIVOTINJAMA, PSIMA I MAČKAMA LUTALICAMA I DIVLJIM ŽIVOTINJAMA NAĐENIM IZVAN PRIRODNOG STANIŠTA

Član 29.

(Hvatanje i postupanje sa napuštenim i izgubljenim životinjama, psima/mačkama lutalicama i divljim životinjama)

Hvatanje i postupanje sa napuštenim i izgubljenim životinjama, psima/mačkama lutalicama i divljim životinjama koje se uklanjaju s javnih površina vrši se u skladu sa Zakonom o zaštiti i dobrobiti životinja ("Službeni glasnik Bosne i Hercegovine", broj 25/09), Pravilnikom o

osnivanju i uvjetima koje moraju ispunjavati higijenski servisi ("Službeni glasnik Bosne i Hercegovine", broj 27/10) i Pravilnikom o osnivanju i uvjetima koje moraju ispunjavati skloništa za životinje ("Službeni glasnik Bosne i Hercegovine", broj 27/10).

Član 30.

(Prijava nestanka psa)

- (1) U slučaju nestanka psa imalac psa je dužan odmah prijaviti nestanak psa higijenskom servisu i skloništu za životinje.
- (2) U slučaju nestanka psa imalac psa je dužan u roku od sedam dana od dana nestanka prijaviti nestanak veterinarskoj organizaciji u kojoj je pas registrovan.
- (3) U slučaju da imalac psa ne postupi na način kako je propisano u stavu (1) ovog člana, higijenski servis je dužan po nalasku psa prijaviti imaooca psa nadležnoj inspekciji.
- (4) Ako imalac psa pronađe svog psa dužan je da o tome bez odlaganja obavijesti veterinarsku organizaciju u kojoj je pas registrovan, higijenski servis i sklonište za životinje, a ako psa pronađe osoba koja nije imalac psa, dužna je o tome odmah obavijestiti higijenski servis odnosno sklonište za životinje ili najbližu veterinarsku organizaciju, te po mogućnosti i imaooca psa.

Član 31.

(Preuzimanje pronađene životinje)

Imalac pronađene životinje dužan je u roku od osam dana računajući od dana smještaja životinje preuzeti životinju, ukoliko za nju na osnovu odluke nadležne veterinarske inspekcije ili nadležnog veterinara nije određena mjera eutanazije.

Član 32.

(Eutanazija)

- (1) Eutanazija životinja se provodi u skladu sa članom 14. Zakona o zaštiti i dobrobiti životinja ("Službeni glasnik Bosne i Hercegovine", broj 25/09) i na način propisan članom 15. Zakona o zaštiti i dobrobiti životinja ("Službeni glasnik Bosne i Hercegovine", broj 25/09).
- (2) Eutanazija opasnih pasa provodi se u skladu sa članom 6. Pravilnika o držanju opasnih životinja ("Službeni glasnik Bosne i Hercegovine", broj 27/10).

Član 33.

(Troškovi hvatanja, smještaja i preduzimanja neophodnih veterinarsko-zdravstvenih mjera na uhvaćenim životinjama)

- (1) Troškove hvatanja, smještaja i preduzimanja neophodnih veterinarsko-zdravstvenih mjera na uhvaćenim životinjama snosi imalac životinje, ako je poznat.
- (2) U Budžetu Kantona Sarajevo i budžetima jedinica lokalne samouprave na području Kantona Sarajevo, svaki nivo vlasti u okviru svojih nadležnosti i u skladu sa članom 30. Zakona o zaštiti i dobrobiti životinja („Službeni glasnik Bosne i Hercegovine“, broj 25/09) obezbjeđuje potrebna finansijska sredstva za podmirenje troškova

hvatanja, smještaja i preduzimanja neophodnih veterinarsko-zdravstvenih mjera na uhvaćenim životinjama za koje nije poznat imalac.

- (3) Za slučaj iz stava (2) ovog člana, ako se naknadno utvrdi imalac životinje, troškove će snositi imalac životinje.

Član 34.

(Uklanjanje divljih životinja s javnih površina)

- (1) Hvatanje i postupanje sa divljom životinjom koja se uklanja s javne površine vrši se u skladu s propisima o zaštiti životinja, zaštiti prirode i veterinarstvu, te uz primjenu odgovarajuće opreme i sredstava za pojedinu vrstu životinje.
- (2) Uhvaćena divlja životinja iz stava (1) ovog člana odmah po hvatanju vraća se u svoje prirodno stanište i to tako što higijenski servis u saradnji s najbližim lovačkim društvom predaje životinju najbližem korisniku lovišta, osim u slučaju da je uhvaćena divlja životinja za koju postoji opravdana sumnja da je opasna za širenje zaraznih bolesti s kojom se postupa u skladu s članom 14. stav (1) tačka c) Zakona o zaštiti i dobrobiti životinja ("Službeni glasnik Bosne i Hercegovine", broj 25/09).
- (3) Troškove hvatanja divlje životinje od higijenskog servisa snosi korisnik lovišta u koje je životinja vraćena.
- (4) Ako divlju životinju nije moguće vratiti u lovište, a ne radi se o slučaju iz stava (2) ovog člana, životinja će se smjestiti u najbliži zoološki vrt, ako je to moguće. Ako se divlja životinja ne može smjestiti ni u zoološki vrt, ona se usmrćuje.

IV – NADZOR

Član 35.

(Inspeksijski nadzor)

- (1) Inspeksijski nadzor nad provođenjem odredbi ovog pravilnika vrše veterinarski inspektori Kantona Sarajevo i općina sa područja Kantona Sarajevo, svako u okviru svoje nadležnosti.
- (2) Subjekt nadležan za poslove upravljanja i održavanja zajedničkih dijelova i uređaja zgrade vrši kontrolu nad provođenjem člana 10. ovog pravilnika i o istom obavještava kantonalnog odnosno općinskog veterinarskog inspektora.

Član 36.

(Izmještanje životinje ili uklanjanje objekta za smještaj)

Nadležni inspektor može naložiti izmještanje životinje ili uklanjanje objekta za smještaj imaoocu životinje ili da se putem higijenskog servisa odnosno putem javnog komunalnog preduzeća isto izvrši, o trošku imaooca životinje, ako se oni drže protivno ovom pravilniku, a ne postoji mogućnost da se njihovo držanje uskladi sa ovim pravilnikom ili ako imalac životinje ne otkloni, u ostavljenom roku, rješenjem inspektora utvrdene nedostatke.

Član 37.

(Postupanje drugih organa)

U slučaju kada veterinarski inspektor smatra da nije ovlašten postupati ili ako smatra da je svrsishodnije da postupi drugi nadležni organ (npr. komunalni inspektor u skladu sa propisima o komunalnoj čistoći, policijski organ u skladu sa propisima o javnom redu i miru) bez odlaganja će, u pismenoj formi ili usmenoj formi, uz sačinjavanje službene zabilješke obavijestiti drugi nadležni organ o saznanjima koja ima radi postupanja tog organa.

V – KAZNENE ODREDBE

Član 38.

(Kaznene odredbe iz Zakona o veterinarstvu)

Za nepostupanje u skladu sa odredbama ovog pravilnika primjenjuju se odgovarajuće kaznene odredbe iz Zakona o veterinarstvu („Službene novine Federacije Bosne i Hercegovine”, broj 46/00) i to iz čl. 144. i 145. navedenog zakona.

VI – PRELAZNE I ZAVRŠNE ODREDBE

Član 39.

(Obaveza jedinica lokalne samouprave)

Jedinice lokalne samouprave na području Kantona Sarajevo dužne su da u roku od 90 dana od dana stupanja na snagu ovog pravilnika usklade svoje propise sa ovim pravilnikom.

Član 40.

(Stupanje na snagu i početak primjene)

Ovaj pravilnik stupa na snagu osmog dana od dana objavljivanja u “Službenim novinama Kantona Sarajevo”, a početak će se primjenjivati po isteku roka od 90 dana od dana njegovog stupanja na snagu.

Broj: 07-05-20-34743/22
Sarajevo, 06.03.2023. godine



